



**ЖУВАН ХАЛКЪДИЗ,
ЖУВАН НАМУСДИЗ ХЪИЗ,
ВАФАЛУ ЖЕН...**

СТИАЛ СУЛЕЙМАН

КУЪРЕДИН ХАБАРАР

**1931-ЙИСАЛАЙ АКЪАТЗАВА
СУЛЕЙМАН-СТАЛЬСКИЙ РАЙОНДИН
ОБЩЕСТВЕННО-ПОЛИТИЧЕСКИЙ ГАЗЕТ**

№53 (26366), Жуьмя, 20-декабрь, 2019-йис
Газет гъафтада садра акъатзава.
Маса гунин кьимет азадди я.



Райадминистрацияда

Агъалийрин арзайриз килигна

12-декабрдиз райадминистрацияда агъалийрин арзайриз килигунин Вирироссийдин йикъан сергъятра аваз райондин Кьил Нариман Абдулмуталибова чпин хуси месэлайрай райондин агъалияр къабулун киле тухвана.



Адет хъанвайвал, агъалияр аниз гъаз атанвай месэлай асул гъисабдалди кваллахдалди таъминарунин, материальный куьмек гунин, ЖКХ-дин шартлар хъсанарунин, образованидин, зегъметдин ва чилерин месэлайрихъ галаз алакълубур тир.

Кьилди къачуртга, регистрация авунин шагъадатнамада квалерин яшайишдин майдан дуьз къалур тавунин гъакъиндай арза гъаз къасумхуьруьнви Агъарзаев Агъарза атанвай. И месэладиз килигун и кардал машгъул тир райадминистрациядин Кьилин заместителдал, правовой отделдин начальникдал ва Къасумхуьруьн АСП-дин кьилел тапшурмишна.

Г. Шайдаеван куьчеда аялрин майдан туькьуьрунин патахъай арза гъаз Къасумхуьрелай тир Женет Ражабов атанвай. Нариман Абдулмуталибова и проект къведай йисан кваллахрин пландик кутадайдди лагъана.

Герейханован хуьруьн врачевный амбулаториядин стационардин работникрин са десте райондин Кьилин патав Сулейман-Стальский ЦРБ-да оптимизация тухунин сергъятра аваз инин стационардин жигъетдай авай информациядин патахъай атанвай. Абурун арза ДР-дин минздравдиз рекъе туна ва хуси гуьзчивилиз къачуна.

Чилерин месэлайрин патахъай и юкъуз аниз Къасумхуьрелай тир Сабина Нисредова, Цийи Макъарилай Саидов Шейхсенан вичин уьмуьрдин юлдашни галаз, гъакъни Ракъужаг Бабашева, Сийидай тир Севзиханова Суна, Герейханован хуьруьн 2-отделе-нида яшамеш жезвай Замудин Сефералиев атанвай.

Райондин Кьили и арзаяр вичин гуьзчивилик кутуна ва ахатрамишун патал райадминистрациядин талукъ тир къуллугърал ва а хуьрерин поселенийрин килерал ага-къарна.

Къасумхуьруьн парк-скверда аскерриз-афгъанвийриз гуьмбет эцигунин, гъакъни Испикрин хуьруьн КДЦ-диз Тебиатдин газ гъунин месэлайрин патахъай райондин Кьилин патав аскеррин-афгъанвийрин райондин Советдин председател Исламан Ризаев атанвай. Райондин Кьили гуьмбет эцигунин месэладиз талукъ тир структурайрихъ галаз санал килигдайдди ва къарар къабулдайдди лагъана, КДЦ-диз газ гъунин месэла гъалун «сельсовет Испикский» АСП-дин кьилел тапшурмишна.

И мярекатдиз Агъа Сталрин аялрин ясли-бахчадиз аял къабулунин ва яшайишдин квалер эцигдай чилин участок чара авунин патахъай арза гъаз агъасталви Ме-гъамедова Исмира атанвай.

Райондин Кьили аял 2020-йисан январилай яслидиз къабулдайдди лагъана, чилин участокдин патахъай учетдиз къачун ва куьмек гун «сельсовет Ашагастальский» АСП-дин кьилел тапшурмишна.

Курхуьруьн агъалийрин са десте Садовая куьчеда къир цунин месэладин патахъай атанвай. Анал арзачийриз и арзадиз килигдайдди ва ам къведай йисан кваллахдин пландик кутадайдди лагъана.

Къасумхуьруьн Р. Халикъован тварунихъ галай куьчедиз газдин линия тухунин патахъай аниз Нарсим Тажибов атанвай. Райондин Кьили арзачидиз и месэла цийи йисан сифте килера гъялдайдди лагъана. Ичинрин хуьруьн имам Рустамов Ариф аниз музей гегъеншарунин ва ремонт авунин, адаз талукъ статус гунин месэла гъаз атанвай. Райондин Кьили адаз вичи арадал гъанвай музейдин гъакъиндай справка агакъарун тапшурмишна ва и карда куьмек гудайдди, кваллахдалди таъминарунин месэладизни килигдайдди къейдна.

И юкъуз райондин Кьили жуьреба-жуьре месэлайрай 34 кас агъалияр къабулна ва арзаяр вичин гуьзчивилиз къачуна.

Гъазурайди – А. Камилов

Дипломатвилин кьилин дережа гана

РФ-дин Президент Владимир Путина Эритрея Республикада РФ-дин Чрезвычайный ва Полномоченный Посол Азим Ярагъмедоваз дипломатвилин кьилин дережа – армиядин генералвилин чин ганва. Лагъана кланда, ихътин кьилин дережа РФ-дин къецепатан крарин рекъай министр Сергей Лавровахъ, адан заместителрихъ ва са шумуд посолдихъ ава.

Шадвилелди къейд ийиз кланзава хъи, Азим Алаудинович Ярагъмедов Сулейман-Стальский райондин Къасумхуьрел дидедиз хъана. Ам РФ-дин Посолдин – дипломатвилин чъехи къуллугъдал тайнарай сад лагъай дагъустанви я. 2015-йисуз Эритреяда Посолвиле тайнардальди вилик Азим Алаудиновича РФ-дин МИД-да, Таджикистан Республикада Генеральный консулвиле кваллахна.

А. А. Ярагъмедов 2011-2015-йисара Россиядин МИД-да РФ-дин субъектрихъ, парламентдихъ ва общественный объединенийрихъ галаз алакъа хуьдай Департаментдин директордин къуллугъдал хъана. Адахъ государстводин ва ведомственный гъаф къадар наградаяр ава.

Азим Алаудиновича вичин гъевчи ватандихъ – Сулейман-Стальский райондихъ галазни алакъа хуьзва. Адан тварцихъ галай стипендия тайинарнава, адальди гъар йисуз чъехи классра хъсан кьиметар аваз келзавай къве аял ашкъиламишзава.

Муниципальный райондин Кьил Нариман Абдулмуталибова, администрацияди, депутатрин Собраниди ва вири районгъалийри Азим Алаудинович Ярагъмедоваз армиядин генерал лагъай дипломатиядин кьилин чин гун мубаракзава ва машгъур районгъалидихъ мягъкем сагъламвал, дипломатвилин кваллахда мадни еке агалкъунар хъун кланзава.



Общественный палатадин заседание

И йикъара Сулейман-Стальский райондин Общественный палатадин заседание киле фена. Адан кваллахда райондин Кьил Нариман Абдулмуталибова, райадминистрациядин Кьилин заместителри, администрациядин къуллугърин, муниципальный ва республикадин учрежденийрин руководителри, хуьрерин поселенийрин администрацийрин килери, общественный тешкилатрин ва СМИ-рин векилри иштиракна.

Заседание Общественный палатадин председател Алимет Мейланова ачухна ва киле тухвана.



Заседанидал алай 1-месэладай – «Комплексный центр социального обслуживания населения в МО «Сулейман-Стальский район» по улучшению качества и доступности оказываемых им услуг гражданам» ДР-дин ГБУ-дин кваллахдин гъакъиндай гъахъ-гъисабдин доклад Центрадин директордин заместител Мурсал Шихбабаева авуна.

КЦСОН-дин кваллах Общественный палатадин членри ахтармишунин нетижай-рикой, гъакъни Центрадин кваллахдиз кьимет гун яз чпин фикирар гъаз заседанидал Общественный палатадин председателдин заместител Ягъибег Ягъибегов, агъсакъ-алрин Советдин председател Аслан Асланов, дяединни зегъметдин, Яракълу Къуватрин ветеранрин Советдин председател Абдулаким Гъажимурадов, райондин Информагентстводин руководитель Жабраил Асланов, Кварчагърин хуьруьн поселенидин агъсакъалрин Советдин председател Зейнулагъ Наврузов рахана.

Санлай къачурла, Центрадин кваллахдиз Общественный палатадин членри рази жедай кьимет гана, гъа са вахтунда, рахай юлдашри, Алимет Мейланова агъалийриз ийизвай къуллугърин ери хъсанарунин патахъай меслятар къалурна.

Къвед лагъай месэла яз заседанидал Общественный палатади 2020-йисуз тухудай кваллахдин план тескикарна.

Хазран Къасумов

ТЕБРИКАР

За «Сулейман-Стальский район» муниципальный райондин депутатрин Собранидин, администрациядин ва гьакни жуван патай Россиядин Федерациядин хатасузвили кьуллугдин районда авай отделенидин работникрин Россиядин Федерациядин хатасузвили органрин работникрин Югь риклин сидкьидай мубаракзава.

Куь асант тушир ва лап чарасуз герек кьуллугь еке гьуьрметдиз лайихлу я. Куь кьуллугьди государстводин хатасузвал, общество ва агьалияр терроризмдикай ва экстремизмдикай хуьн таьминарунин кардик еке пай кутазва. Зун инанмиш тирвал, Федеральный кьуллугьдин районда авай отделенидин работникри Ватандин хатасузвал таьминарунин, гражданрин законлу ихтиярар ва интересар хуьнин жигьетдай вилик акьвазнавай жавабдар везифаяр лайихлудаказ кьилиз акьудун патал чпин вири кьуватар, тежриба ва пешекарвили уstadвал желбда.

Заз кьвехь мягькем сагьламвал, ислягьвал ва хушбахтвал, Ватандин абадвал патал кьуллугьда жележегдани агалкьунар хьана кланзава.

«Сулейман-Стальский район» муниципальный райондин Кьил
Н. Абдулмуталибов

За райондин электрический сетрин работникрин пешекарвили сувар-энергетикрин Югь риклин сидкьидай мубаракзава.

Гьамиша хьиз, алай йисузни куь коллективди и сувар тайин нетижаяр аваз кьаршиламышзава. Зун умудлу тирвал, куьне жележегдани райондин агьалийриз, майиштриз, карханайриз гьар юкьуз герек жавабдар кьвалахда мадни агалкьунар кьазанмишда.

Заз кьвехь мягькем сагьламвал, хушбахтвал, кьвалера ислягьвал, берекат, бахт хьана кланзава.

«Сулейман-Стальский район» муниципальный райондин Кьил
Н. Абдулмуталибов

Райондин сайтди хабар гузва

Дуьзмишнавай куьчейрин конкурс

Сулейман-Стальский райондин Кьил Нариман Абдулмуталибов, райадминистрациядин работникрин галаз, «Зи куьче виридалайни хьсандиз дуьзмишнавайди я» лишандик кваз тухузвай конкурс-килигуна иштиракиз гьазур жезвай куьчей-



рин гьазурлухвиллиз килигна.

Конкурс-килигун куьчяр дуьзмишунин ва райондин агьалийрин яшайишдинни дуланажагьдин шартлар хьсанарунин мураддалди кьиле тухузва. Конкурса куьчейриз кьимет эцигунин лишанар, уьлчмеяр ибур я: куьчяр авай гьал, санитариядин жигьетдай гьаятар лазим тир кьайдада хьун, зирзбил, арадал гьанвай хьуртар тахьун, куьчяра кьелемар цун, ТКО тухунин патахьай договорар, вири кьвалерал тайинвили гьакьиндай малумардай чарар ва нумраяр хьун, кьвалерин вилик патан жугьунрин акунар, авай гьалар...

Конкурсдин положенидихь галаз алакьалу яз, конкурсдин гьалибчи рекьерин фондунин пулунин такьатрин гьисабдай асфальт цазвай куьчейрик кутазва.

Конкурсдиз 3 заявка ганва, абурун арада Агьа-Стал Кьазмайрин Цицигская, Калининан ва Кьулан Сталрин Етим Эминан куьчейрин агьалияр ава.

Фена куьчейриз килигдайла райондин Кьил Нариман Абдулмуталибова конкурсдин истемешунрихь галаз кьан тийизвай са жерге лишанарни дуьздак акьудна.

- Конкурс куьчяр дуьзмишунин карда агьалийрин активвал артухарунин, абурун эстетикадин культура хьажунин мураддалди тухузва, - кьейдна Н. Абдулмуталибова. - Чи агьалийри яшайишдинни дуланажагьдин шартлар хьсанарунин карда иштиракун чарасуз я. И крар гьа агьалияр чеб пагалди тирди абуроз чир хьун лазим я. Конкурсдин вири иштиракчийри мад сеферда конкурсдин истемешунриз кьетлендаказ фикир гун чарасуз я.

Курхуьруьн куьчяра асфальт цазва

Алатай гьафтада райондин Кьил Нариман Абдулмуталибов Курхуьрел Садовая ва Мира куьчяра асфальт цунин кьвалахар кьиле тухузвай гьалдихь галаз, чкадал фена, таниш хьана. Асфальт цунин кьвалахарни чкадин инициативадин (сифте кьил кутун) проектдин сергьятра аваз кьиле тухузва. Проект уьмуьрдиз кечирмишун патал Дагьустан Республикадин бюджетдай 4966778 манат пул кутун кьалурнава. Алава пул муниципальный райондин бюджетдай, карчийри, организацияйри ва физический ксарини гуда. Спонсорвал меценат Зураб Шайдаева ийизва. Гайи пулунин кьадарди 500 агьзур манат тешкилзава. Кьвалахар подряддин организация тир «Прогресс» ООО-ди кьиле тухузва. Кьвалахар рекьерин техникани желбнава. Асфальт цунин кьвалахар мукьвал тир вахтара акьалтларда. Мира куьчеда и кьвалах акьалтларнава.

Алай ййсан эхирдалди Курхуьрел рекьерин фондунин пулунин такьатрин гьисабдай гьакни Стал Сулейманан ва Гьамзат Цадасадин куьчярани асфальт цада.

Кьведай йисуз «Дагавтодорин» хилия и хуьрай физвай «Куркент-Карчаг» республиканский рекьин 0 км. – 3 км. участок капитальнидаказ ремонт хьувун пландик кутунва.



Райондин Кьил Нариман Абдулмуталибова асфальт цазвай куьчярин агьалийрихь ва подряддин организациядин векилрихь галазни ихтилатар авуна.

Н. Абдулмуталибов меценат Зураб Шайдаеван пулунин такьатрин гьисабдай школадихь галай территория кьевирунин кьвалахар кьиле тухузвай М.Рагьимован тварунихь галай Курхуьруьн 1-нумрадин юкьван школадани хьана.

Конкурсдин кьвалахрин нетижаяр кьуна

12-декабрдиз, РФ-дин Конституциядин юкьуз, Сулейман-Стальский районда Россиядин Федерациядин ва Дагьустан Республикадин государстводин яржарин тарихдиз талукьарна тухвай «И гордо реест флаг державный» ахтармишунринни яратмишунрин республиканский конкурсдин муниципальный этапдин нетижаяр кьуна.

Конкурс 1-4, 5-8 ва 9-11 классрин яшарин категорияйри кьиле фена. Конкурсдин кьвалахриз «Официальная символика Российской Федерации», «Официальная символика РД», «Государственная символика РФ и РД» номинацияйри килигна. Конкурсдин иштиракчийри чпин кьвалахар агьадихь галай рекьерай кьалурна: «Декоративно-прикладное творчество» ва «Исследовательская работа».

Конкурсдин муниципальный этапдин нетижаяр кьурла 28 касдикай гьалибчиарни призерар хьана. Абуруз райондин образованидин управленидин грамотаяр гуда.

Конкурсдин иштиракчийрин ахтармишунринни яратмишунрин кьвалахриз райондин Кьил Нариман Абдулмуталибова еке кьимет гана.

Хьсан кьвалахар конкурсдин республикадин этапдиз ракьурда.

Спонсоринни аялрин гуьруьш

РФ-дин Конституциядин юкьуз Сулейман-Стальский районда кардик кьвай КЦСОН-дин работникар ва йикьан вахтунда аяларни аялар галай хизанар кьабулдай отделениди кьаюмвалзавай аялар, набудрин йикьаз талукьарна тухвай «От сердца к сердцу» акция тухуниз куьмек гайи спонсориз чухсагьул лугьун патал, райондин Кьил Нариман Абдулмуталибован, райадминистрациядин Кьилин 1-заместитель

Лацис Оруджеван ва финансрин экономикадин управленидин начальник Ба лабег Ярагьмедован патав фена.

Гуьруьш шад гьалара кьиле фена. Аялри чпиз куьмек гайи спонсориз рикел аламукьдай медалар, открыткайар гана. Ида спонсорар кьадар авачир кьван шадарна. Чпин патай абур аялриз «90 лет Сулейман-Стальскому району» гафар кьхьенвай пакетра авай ширинлухар гана.

Райондин Кьил Нариман Абдулмуталибова мярекатдин тешкилатчийриз ва аялриз атунай, рикел аламукьдай гуьруьш тешкилунай чухсагьул лагьана.

Шад гьалара вахкана

Сулейман-Стальский райондин Кьил Нариман Абдулмуталибова яргал йисара «Сулейман-Стальский район» муниципальный райондин Кьилин патав гьвай агьсакалрин Советдин председателвиле намуслуудаказ ва бегьерлуудаказ кьвалах авунай зегьметдин ветеран Фахрудин Османован твар кьхьенвай сят вахкана. Идахь галаз санал, райондин Кьили Фахрудин Османован инсанвили, пешекарвили виниз тир дережа, зегьметдал, гьвечи ватандал рикл хьун хьтин ериярни кьейдна, адахь мягькем сагьламвал, хизандин бахтлувал хьана кланзавайди лагьана.



Хазран Кьасумов

Цийи ййсан суварин вилик

16-декабрдиз муниципальный райондин Кьил Нариман Абдулмуталибован председател-вилик кваз райадминистрацияда Цийи ййсан сувариз гьазурвилер акунин ва кьиле тухунин жигьетдай тешкиллувилин комитетдин заседание кьиле фена. Ана райондин Кьилин I-заместитель Лацис Оруджева, райадминистрациядин крар идара ийизвайди тир Рамазан Абдулазизова, ЦРБ-дин кьилин духтурдин везифаар тухузвайди тир Жафер Кьурбанисмаи-



лова, райадминистрациядин кьурулушдин подразделенийрин, общественный тешкилатрин ва СМИ-рин руководителри иштиракна.

Цийи ййсан сувариз гьазурвилер акун кьиле физвай гьалдикай анал культурадин отделдин начальник Майрудин Бабаханова информация гана. Ада кьейд авурвал, суварин ярж тир Цийи ййсан елка декабрдин вацран эхирра Кьасумхуьрел И. Гь. Тагьирован тварунихь галай культурадин Дворецдин вилик эцигда, анал 31-декабрдин ййкьан сятдин 11-далай эгечна аниматорри аялрин кьугьунрин программаяр кьиле тухуда. Суварин мярекатдин шадвилдин асул пай и ййкьан сятдин садалай башламишда. Аник манияр, кьуьлер, Аяз Бубадинни Живедин Ханумдин, Стал Сулейманан тварунихь галай Лезгийрин Гьукуматдин музыкадинни драмадин театрдин, И. Гь. Тагьирован тварунихь галай райондин культурадин Дворецдин, хуьрерин поселенийрин КДЦ-рин коллективрин нумраяр, жуьреба-жуьре конкурсар, Цийи ййсан савкьватрин ярмарка, спортдин акьажунар, лотерезар кьугьун, и мярекатдин активный иштиракчийриз пишкешар гун ква. Суварин мярекатар хуьрерин поселенийра ва райондин гзаф идарайрани кьиле фида.

Заседанидал и жигьетдай кьиле тухузвай тешкиллувилин кьвалахдин гьакьиндай куьруь информацияр гваз маса юлдашарни рахана.

Заседанидин кьвалахдин нетижаяр кьуналди, Нариман Абдулмуталибова гьукуматдин виридалайни гуьзел ва шад суварикай сад тир Цийи ййсан сувар, вирибурун иштираквал аваз, вини дережада кьиле тухунин важиблувал кьейдна, ам рикелай тефидайди авун герек тирди лагьана. Идахь галаз сад хьиз, райондин СМИ-ра суварин мярекатрикай материалар хайи члалалди гунин важиблувални кьейдна, администрациядин кьурулушдин подразделенийрин руководителриз, идарайрин дараматар суварин кьайдада безетмишунин тапшуругьни гана.

Райондин Кьил эцигунарзавай чкайрал фена

17-декабрдиз муниципальный райондин Кьил Нариман Абдулмуталибов Кьулан Сталдал эцигунринни аваданламишунин кьвалахар кьиле физвай гьал ахтармишиз чкайрал фена. Сифте райондин Кьил ДР-дин Кьил Владимир Васильеван проектдай



чкадин инициативайралди аваданламишунин кьвалахар кьиле тухузвай Парковая куьчедиз фена.

А кар кьейд ийиз кланзава хьи, райондин администрацияди меценатрихь галаз санал алагай асирда регьметлу Сиражудин Альдерова кутур са километрдилай артух яргивал алай, 40 метрдин гьаркьувал авай паркунин зона, мал-кьаради зиян тагудайвал кьевирна, анаг аваданламишун ва ам багьа ядигар яз гележегдин несилрал агакьарун кьетнава. Кьулан Сталдал Парковая куьче аваданламишунин кьвалахриз чкадин бюджетдай 250 агьзур манат, республикадин бюджетдай 4942054 манат пул ва 609 126 манат пулни бюджетдин бур тушир такьатар чара авунва. И проекут умуьрдиз кечирмишунин мураддалди гьакьни меценатар тир Имам Яралиеван «Умуд» фондуни 260 агьзур манат, район вилик тухунин фондунай 100 агьзур манат ва и хуьруьнвийрин инициативный группайди 150 агьзур манат пул гана.

Парк туькьунрин ва аваданламишунин кьвалахрик анаг элкьуьрна кьевирунин, инсанар кьекьведай рекьер-тротуарар тухунин ва маса кьвалахар акатзава. Абуру алай вацран эхирдалди тамамвилелди акьалтгарда. Ана гьакьни аялрин ва спортдин майданар кардик кутада, экв гудай фонарар, ацукьдай скамейкаяр, урнаяр эцигда.

Райондин Кьил Нариман Абдулмуталибова анал эцигунарзавайбуруз, тебиатдин кьулай шартрикай менфят кьачуналди, амай кьвалахар Цийи ййсан алуькьалди акьалтгарунин теклиф гьана.

А. Кампов

Райондин - 90 ййис

Кьварчагьар-кьуччагьарин хуьр

Курхуьрелай винелди хкаж хьана, «Дулама» синелай Кьварчагь дере, анин хуьрер акурла, рикел Рамазан Каитован шиирдин цларар кьезва:

*Гуьзел Ватач, чан зи Куьре,
Вун шегьер хьиз туькьуьрнава.
Зи Куьре, ви гьар са хуьре,
Бахтунин экв куькьуьрнава.*

*Зи хуьре гур демсерава,
Рахазва саз агалкьунрин.
Пагь, адан гьил мелерава,
Са югь са виш кьвалерин.*

светский школа ачухна. 1934-1935-ййисара хуьруьнвийрин кьуватралди хуьруьн кьерехда сифтегьан школадин дарамат эцигна.

Гуьгьунин ййисара ам ирид, муьжуйд ййисан ва 1974-ййисуз юкьван школадиз элкьуьрна. Яргьгал ййисара школадин директорвиле тежрибалу муаллимар тир Абдулсен Абдулмежидова ва Мизамудин Мегьамедова кьвалахна.

1929-ййисуз хуьре хуьруьн майишатдин артель (колхоз) тешкилна, председателвиле Кириим Саидов хьана. Сифтегьан



Рикле хуш майилар аваз, гуьгьуьлар шад яз чун вичиз гьахьлудаказ кьуччагьарин хуьр лугьузвай Кьварчагьарин хуьруьз агакьна. Гуьрчег жезва хуьр ййисандавай-суз! Кьилин куьчеда асфальт канва. Кьве мертебадин яшайишдин кьвалери, абурухь галай багь-бустанди, общественный дараматри хуьр гуьрчег кьалурзава. Хуьруьнвийрин гуьгьуьлар, яшайишни хьсанзавайди гьа сифте легьзейра кьатгуз жезва. Шаир, рагьметлу Салигь Селимова вичин хайи хуьруькай гьахьлудаказ кьхьинни авунай:

*Дуьз куьчяр, кьакьан кьвалер,
Гуьрчег акваз гьакьван иер.
Лугьуз жед ваз «гьвечи шегьер»,
Шак алач гьелбет, Кьварчагьар.*

*Са вьрс хуьруьн гьаркьувилел,
Кьве вьрс ала яргивилел,
Пакдиз хуьзва кьуна гьилел,
Бубайрин адет, Кьварчагьар.*

Кьварчагьарин хуьруьхь хьсан «кьаш-кьамат» хьиз, чьехи ва баркаллу тарихни ава. Чун хуьруьз мугьман хьунин асул метлебни район арадал атайдалай инихь тамам жезвай 90 ййисан юбилейдихь галаз алакьалу яз и хуьруьн тарихдикай газетдиз макьала гьазурун тир.

Хуьруьн мулкуна куьгьне сувар, дараматрин амуькьяр, пак чкаяр, са шумуд виш ййисарин тарар ава, абуру тарихдин шагьидар я, агьалийри хуьруьн тарихдал дамахзава, тарихдин ивиар жегьил несилдал агакьарзава.

Кьварчагьарин хуьр Кьасумхуьруьвай кеферпагахь 12-14 километрдин яргьа ава, ам тебиатдин гуьзел чкадал экьа хьанва.

Тарихдин делилри шагьидвал ийизвайвал, V-VI асирра гилан Белиждин станция алай чкадин патарив Чагь (Чогь, Чор) твар алай шегьер алай. Чкадин агьалийри адаз Торпах-Кьала, яни накьварин кьеле, лугьузвай.

Мукьвал-мукьвал жезвай дявээр себ-биз, цийи хуьр (шегьер) арадал атана - Курчагь (чкланвай Чагь). Хуьрни гилан хуьр алай чкадивай 3 километрдин яргьа Кьванцин булахдин патав гвай синел арадал атана. Гуьгьунлай агьалияр Лакар лугьудай чкадал куьч хьана. Гилан Кьварчагьар алай чкадал агьалияр 1957-ййисуз куьч хьана.

Советрин власть жедалди хуьре медресе кардик квай. 1931-ййисуз чеб кулакар я лагьана суьргьун авур Ибрагьим пашадин ва Агьабеган кьвалера сифтегьан

колхозникрин арада Селим Абдурагьимов, Алдербег Абдулагьаев, Мегьамед Юзбегов, Сейфулагь Кьараханов авай. Гуьгьунлай колхоздиз Фетяли Наврузова, Шихгьасан Велиханова, Ажибег Абдиева регьбервал гана.

1965-ййисуз и дередин пуд хуьруьн «Коммуна» (Кьварчагь), Урицкидин тварунихь галай (Нуьцуйгь) ва Ордженкидзедин тварунихь галай (Зизик) колхозар сад хьувуна, «Коммуна» совхоз тешкилна. Яргьгал ййисара совхоздин директорвиле Наврузбег Бабаева, Маидин Кьараханова, Абас Абасова... кьвалахна. 1970-1980-ййисара совхоз неинки районда, гьакь республикадани кьвенкьечи майишатрикай сад тир. Адахь 400 гектардив агакьна уьзюмлухар авай.

1930-ййисара Кьварчагьа комсомолрин ячейка ва сифтегьан партийный организация тешкилна. Рамазан Сеферов, Мегьамед Юзбегов, Сейфулагь Кьараханов комсомолрин ячейкадин активный членар тир.

Парторганизациядин секретарар яз Кьачабег Байрамбегова, Анвар Кьараханова, Зейнулагь Кьараханова, Агьали Муртузалиева, Максим Эскендарова, Зейдулагь Кьухмазова, Адил Гуьлагьмедова кьвалахна.

Ватандин Чьехи дяведин ййисара Кьварчагьарин хуьрляй фронтдиз 86 кас фена, абурукай 48 кас Ватандин аздвал патал кьиле феий женгера игитвилелди телеф хьана. Гзафбурухь гьукуматдин орденар, медалар авай.

Кьварчагьарин хуьрляй твар-ван авай алимар, пешекарар, спортсменар, чьехи дережайрин руководителар акьатна, абуру гилани ава.

Алай вахтунда хуьре 500-дав агакьна кьвалер ава, 1800-дав агакьна инсанар яшамиз жезва,-

Хуьруьнвийрин кьуллугьда боксдин спортдин комплекс, культурадин маанар, врачевный амбулатория, туькьвенар, аялрин бахча, школа, спортдин филиалар, хуьруьн майишатдин карханаяр акьвазнава.

Чун шагьид хьайивал, Кьварчагьа гьурмет-хатур клани, зегьметдал рикь алай инсанар яшамиз жезва. Абуру пакадин ййикьахь, экуь гележегдихьни инанмиш я.

Куь гележег мадни муьлагьди, берекатлуди, шадди ва экуьди хуьрай, гуьрметлу кьварчагьарияр!

Хазран Кьасумов

Шад гьалара кьейдна

13-декабрдиз Цийи Макьарал и хуьруьн Культурадин кваллин художественный руководитель, машгур манидар ва музыкант, жуьреба-жуьре са шумуд фестивалринни конкурсин лауреат Камилов Керим Камиловичан 70 йисан юбилейдиз талукьарнавай шадвилдин чехи мярекат кыле фена.

И хуьруьн юкьвал алай банкетрин залда кыле тухвай межлиса иштиракиз «Сулейман-Стальский район» муниципальный райондин Кьилин советник и хуьруьнви Агьмедов Мусаиб, райондин культурадин отделдин, Культурадин дворецдин жавабдар кьуллугъчияр ва работник, кваллахдин юлдашар, дуьст, машгур манидарар, юбилярдин багърияр ва хуьруьнви атанвай. Абуру, юбиляр тебрик авуналди, гьар няметривди безетмишнавай столрихъ чкаяр кьурдалай гуьгьуьниз музыкантри анаг музыкадин ва манийрин ширин несеривди ацурна.

Микрофондихъ и хуьруьн Культурадин кваллин директор Нурали Велибеков атана. Межлисдиз атанвай бур тебрик авурдалай гуьгьуьниз ада Керим Камилован уьмуьрдин рекьикай, хьсан музыкант ва манидар яз адан бажарагъдикай, агалкьунрикай, вичин дурумлу зегьметдалди, инсанвилдин хуш кьилихралди халкьарин арада кьазанмишнавай еке гьурметдикай лагьана.

Керим Камилован иштираквални аваз «Кьасумхуьруьн далдамчияр» ансамблди тамамарай «Дагъларин вези-

нар» вирибуру гурлу капар ягьуналди кьаршиламишна.

Микрофон межлис кыле тухузвайди тир машгур тамада ДР-дин культурадин лайихлу работник Ярагьмед Ярагьмедова кьуна. Юбиляр ва межлидин иштиракчияр тебрик авурдалай гуьгьуьниз ада гаф райадминистрациядин Кьилин советник Агьмедов Мусаиб Гьажибалаевичаз гана. Тебрикдин гафарилай гуьгьуьниз анал райондин Кьил Нариман Шамсудинович Абдулмуталибован Чухсагьулдин чар келна.

Юбилейдин тебрикдин гафар, Гьурметдин грамотаяр ва пишкешар гьаз анал райондин культурадин отделдин кьуллугъчияр и хуьруьнви тир отставкада авай полковник Магьсуд Магьмудов, шаирар тир Шагьабудин Шабатов, Мирземет Салманов, гьакъни райондин яратмишунардай интеллигенциядин, «Куьредин ярар» культурадин центрадин комитетдин тварунихъай ЛПС-дин райондин отделенидин председатель Абилин Камилов рахана.

Абуру юбилярдиз бахшна кхьенвай чпин шаирар келна. Эхиримжида адас и центрадин Гьурметдин грамота ва гьакъни чи алай йисан юбиляр тир шаир Мислимат Агьмедпапашаевдин бахш шаирар

авай цийиз акъатнавай «Чи дередин кьегьалар я» ктаб, пулунин гьвечли пишкеш гана.

Анал Москвада ва гьакъни Санкт-Петербургда яшамыш жезвай чи ватангьлийрилай



юбилярдин тварцихъ хтанвай телеграммаярни келна.

Межлис, тебрикдин гафар рахуналди, рикле гьатдай гуьзел манияр лугьуналди ва кьулер авуналди Дагьустандин лайихлу артистар тир Омар Меликова, Даниял Кьазиева, Дагьустандин искусствойрин лайихлу деятель Рустам Кьарибова, гьевескар манидарар - Гуьльмира Алиева, Мерзият Амаханова, кларнетчи - устад Женнет Римиева ва масабуру мадни гурлу авуна. Анал манидарри тамамарай юбилярди чи шаиррин чалариз теснифнавай гуьзел манияр еке хушвилелди кьабулна.

Эхирдай юбилярди вичин гьурметдай атана межлиса иштирак авур вири юлдашриз еке чухсагьул лагьана.

Мизамудин Магьмудов

Выбираем продукты к новогоднему столу

Дагестанцы начинают готовиться к предстоящим праздникам: украшают квартиры и офисы, ставят елки и закупают продукты. Чтобы угощения к новогоднему столу не разочаровали, Россельхознадзор по Республике Дагестан рекомендует, как выбрать качественные продукты питания.

Приобретать продукты специалисты рекомендуют в магазинах, супермаркетах и на рынках. Там покупатели могут быть уверены в качестве и безопасности покупок, а при случае будет, кому направлять претензии.

За качеством и безопасностью мясной и растительной продукции следят сотрудники Россельхознадзора по Республике Дагестан. Они отбирают

образцы и проверяют их, в том числе на наличие остатков лекарственных препаратов. Если что-то будет найдено, продукция снимается с реализации, а у производителя отзывается декларация или приостанавливается производство. В несанкционированной точке покупатели рискуют купить мясо большого или павшего животного.

«В местах несанкционированной торговли нет ветеринарного контроля. Как правило, там не проводится ветеринарно-санитарная экспертиза мяса, не подтверждается качество и безопасность. Реализуемая в торговых точках продукция имеет необходимые сопроводительные документы, которые при желании могут

запросить покупатели. В них указано благополучие территории по заразным болезням животных, проведение лабораторных исследований и их результаты. Кроме того, в магазинах и на рынках осуществляется контроль за условиями реализации и сроками годности продукции.

Специалисты Россельхознадзора искренне надеются, что указанные меры предосторожности будут вам полезны при покупке новогодних деликатесов.

С наступающим праздником, друзья! И пусть в новогодние дни вас радуют только качественные и вкусные продукты. Позаботьтесь об этом.

Ветеринарное управление Сулейман-Стальского района

Нальчикда – 2-чка

Мукьвара Нальчик шегьерда самбодай Кеферпатан Кавказдин Федеральный округдин чемпионат кыле фена. Санлай кьачурла, ана 120-далай виниз спортсменри иштиракна. Абурун арада РФ-дин субъектрин, Россиядин, Европададин ва дуьньядин чемпионарни призерар, твар-ван авай гзаф спортсменар авай.

90 килограммдин заланвилей чемпионатда майдандиз универсальный женгерай 4 сеферда дуьньядин чемпион, самбодайни дзюдодай Россиядин Кубокрин сагьиб кьасумхуьруьнви Аслан Кьурбанов экьечна. Кьуд касдин винел инанмишвилелди гьалибвал кьачур Асланавай, кефсузвал себеб яз, финалда кьуршахар кьаз хьанач. Нетижада А. Кьурбанова СКФО-дин чемпионатда 2-чка кьуна. Гила ада самбодай Россиядин чемпионатда иштиракда.

Х. Кьасумов

Райондин кьенкьечивал патал

Алай йисан 12-декабрдиз Кьасумхуьрел, 1-нумрадин аялринни жаванрин спортдин школада (ДЮСШ-да) аздакада кьуршахар кьу-



най райондин умуми образованидин учреждениера келзавайбурун арада райондин кьенкьечивал патал акьажунар кыле фена. Адан тешкилатчи районда кардик квай физический культурадинни спортдин, туризмдин ва жегьилрин краай Комитет тир.

Акьажуна 120-дав агакьна жаван спортсменри иштиракна, абуру заланвилдин 11 категориядай бягьсер тухвана.

Кьизгьиндаказ кыле фейи акьажуна 1, 2 ва 3 чкаяр, талукь тирвал, Герейханован ДЮСШ-дин, Эминхуьруьн ДЮСШ-дин ва Агьа Сталрин Кьазмайрин филиалдин командайри кьуна.

Тафаватлу хьайи спортсменриз медалар, райондин образованидин управленидин грамотаяр ва кьиметлу пишкешар гана.

Махсус призриз турнирда тафаватлу хьайи кылдин спортсменарни лайихлу хьана.

Лена Саидова

ГЬУЬРМЕТЛУ ЮЛДАШАР!

2020-йис патал «КУЬРЕДИН ХАБАРАР»

газет кхьин давам жезва.

Индексар:

Йисанди – 63323

6 вацранди – 51369

Газет подписка авун патал агьадихъ галай кьиметар тайинарнава.

Почтуна ва адан чкайрал алай отделениера:

Йиса – 678,14 манат;

6 вацра – 339,07 манат.

Редакцияда:

Йиса – 300 манат.

Редакцияда газет кхьидайбурувай пул чкадал кьабулда.

Утерянный аттестат о полном среднем образовании за №0095417, выданный в 2006 году Герейхановской СОШ №1 на имя Алимовой Шапери Магомедовны, считать недействительным.

«Сулейман-Стальский район» муниципальный райондин администрациядин работникрин коллективди ва райондин Собранидин депутатри **Джигеров Играмудин** кечмиш хьунихъ галаз алакьалу яз адан хизандиз ва мукьва-кьилийриз башсагьлугьвал гузва.

«КЮРИНСКИЕ ИЗВЕСТИЯ»

(на лезгинском языке)

Тешкилатчи: Сулейман-Стальский райондин администрация

Кьилин редактор **А. М. Мирзалиева**

Редакциядин ва издателдин адрес: 368760, Кьасумхуьр, СтГал Мусаибан кьуче, 3. Телефон: 3-41-65

Печатдин квал

Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макьалайрин авторрин фикирар сад тахьун мумкин я. Макьалайрин, абура гьизвай делилрин дуьзвилдин патяхъай жаваб авторри чши гуда. Макьалайриз рецензияр гузвач ва абур элкьвена вахкузвач. Чап ийиз вахкудай вахт 15:00. Чап ийиз вахкана 10:30 Газетдин индексар: Йисан – 63323; Зур йисан – 51369 Газет йиса 52 сеферда акъатзава. Гь – И лишандик квай материалар гьакьидихъ чапзавайбуру я. 12+ - Икьван яшар хьанвайбуру келтрай. Газет ООО «Типография-М» типографияда чапна, 368600, Дербент шегьер, С. Кьурбанован кьуче, 25. Тираж 1250. Зак. №